

# Veteranonan di Guera di ex-Schutterij y VKA ta haya estatua y monumento

**D**espues cu recientemente di Stichting Herdenking Schutterij (SHS) a publica un buki danki na cooperacion cu Minister Ramon Lee, awor e monumento y estatua tambe ta yegando su punto culminante. Pronto esaki lo ser inaugura. Otro paso mas pa e veteranonan di di dos guera mundial, kendenan a defende nos costanan contra enemigo, pa haya reconocimiento mereci.

PG. 14






## GENERAL

# Veteranonan di Guerra di ex-Schutterij y VKA ta haya estatua y monumento

**D**espues cu recientemente di Stichting Herdenking Schutterij (SHS) a publica un buki danki na cooperacion cu Minister Ramon Lee, awor e monumento y estatua tambe ta yegando su punto culminante. Pronto esaki lo ser inaugura. Otro paso mas pa e veteranonan di di dos guerra mundial, kendenan a defende nos costanan contra enemigo, pa haya reconocimiento mereci y otro logro mas di Minister di Cultura Ramon Lee.


Ta fresco ainda den nos memoria con algun miembro di directiva di SHS a presenta e promer ehemplar di nan buki conmemorativo na Minister Ramon Lee como gesto di aprecio pa tur e apoyo cu e mandatario di cultura a ofrece na nan causa.

Tabata sres. Apolonio Werleman, Jose Dania, Karel van Meeteren y Enrico Emerencia kendenan na momento di haci entrega di e prome ehemplar na Minister di Cultura, Ramon Lee a menciona e deseo di por mira e estatua



cla promer cu fin di aña ainda y awor nan por mira e estatua cla.


Ta algun detaye chikito so falta. E fundacion cual a ser estableci 31 di augustus 2000 tin como meta e.o. pa concientisa nos comunidad di e sacrificio y contribucion di e yiunan di tera cu a sirbi como schutter of VKA durante di dos guerra mundial y pa crea un monumento pa recorda esnan cu a



fungi como soldat pa proteha nos pais na momentonan dificil di historia.

E fundacion ta carga voz pa tur e ciudadanonan kende durante tempo di guerra, 1939 pa 1945, a ser recluta obligatoriamente den servicio militar Hulandes, of a sirbi den e cuerpo di voluntario, esta VKA.

Awor e monumento na nan honor ta consisti di un estatua riba un pedestal



di piedra di Aruba cu ta simbolisa nan sacrificio, servicio y reconocimiento den comunidad.

Actualmente ta poniendo e tokenan final pa loke ta trata e pisa unda nieta y bisanietonan di e veteranonan aki lo por aprecia e monumento. Minister Lee di su parti, di awor caba ta felicita tur ex-schutter y miembro di VKA pa e estatua y monumento aki.